

Edisi Kedua 2024

**MITASA**  
KESATUAN KAKITANGAN AKADEMIK UNIVERSITI TEKNOLOGI MARA



*Suara*

# MITASA

Bengkel e-TUIS,  
bantu kesatuan  
lebih efisien

Risiko psikososial  
tempat kerja:  
ke arah menjadikan UiTM  
sebagai majikan yang  
sihat dan selamat

Usah aniaya anak buah,  
jawatan adalah amanah  
dan keadilan

Kenapa Susahnya  
Nak Naik Pangkat?

PTM beri pendedahan  
kepada pensyarah baharu

Insentif Kecemerlangan  
SPM terus bantu anak  
ahli MITASA

ISSN 3083-6116



9 773063 611009

*Permulaan yang sempurna*



## Kunjungan hormat kepada Pendaftar UiTM

**O**bjektif utama penubuhan Kesatuan Kakitangan Akademik UiTM (MITASA) ialah untuk menjaga kebajikan ahlinya dan sejak ditubuhkan, MITASA menjadi satu entiti yang kuat untuk dijadikan panduan kepada ahli ketika mereka berdepan dengan masalah sama ada secara peribadi mahupun umum di peringkat universiti.

Berdasarkan aduan yang diterima, MITASA telah pun mengadakan satu kunjungan hormat dan ramah mesra ke Pejabat Pendaftar UiTM pada 9 Julai lalu bagi mengentengahkan pelbagai isu yang diadukan kepada MITASA.

Rombongan yang diketuai Presiden, Encik Saharuddin Lin turut disertai exco-exco tertinggi MITASA membawa isu-isu personal yang tidak dapat dibincangkan dan diselesaikan di peringkat Mesyuarat Bersama Jabatan (MBJ) UiTM.

“Alhamdulillah, kami menerima maklum balas positif dari Pendaftar, Tuan Haji Muhamad Nizam Noordin yang menyambut mesra kedatangan MITASA walaupun beliau masih kepenatan kerana berkejaran dengan tugas hakiki pada hari ini.

“Pelbagai isu kita bawa dan salah satunya ialah berkenaan dengan permohonan untuk membuat penilaian semula ke atas markah laporan LNPT tahun 2021 melibatkan pensyarah Orang Kurang Upaya (OKU) dari cawangan Selangor yang mendapat markah 54 peratus.

“Kita juga membawa isu pensyarah yang akan bersara tetapi masih berada dalam gred lantikan iaitu DM45 dan sehingga kini, pihak pendaftar juga memaklumkan ada beberapa orang pensyarah yang berada dalam kategori tersebut. Hal ini telah dibincangkan dengan teliti dan pihak pendaftar meminta supaya pensyarah berkenaan mengisi permohonan walaupun wujud masalah teknikal semasa mengisi borang berkenaan.

“Isu lain ialah berkenaan dengan cuti separuh gaji oleh pensyarah yang mengalami masalah tekanan mental. Ini adalah hasil lawatan MITASA ke cawangan yang mana ada pensyarah yang ingin memohon cuti separuh gaji melibatkan hal berkenaan.

“Selain itu, masalah mengenai cuti yang telah dimansuhkan dan tidak boleh dibawa ke hadapan. Ini adalah berikutan daripada kegagalan pensyarah berkenaan untuk membuat kemaskini rekod cuti beliau semasa mengisi borang cuti. Pendaftar memaklumkan perkara berkenaan akan diperhalusi pihaknya dan meminta MITASA untuk mendapatkan permohonan lanjut dari semasa ke semasa mengenai isu yang dibawa,” katanya.

Untuk sebarang urusan berkaitan akses terhadap MITASA, ahli-ahli boleh mengikuti kami di platform media sosial MITASA dengan mengimbas kod QR yang disediakan seperti Tiktok, Facebook, Instagram dan Twitter. Bersama ini juga disertakan kod QR untuk pendaftaran sebagai ahli dan borang aduan untuk ahli yang memerlukan.

#### *Media Sosial MITASA*




Tiktok



Facebook



Twitter



Instagram



Laman Web

#### *Keahlian & Aduan*



Kemaskini Keahlian



Borang Ahli



Borang Aduan



**Siti Fatimah Awang**  
Setiausaha Media dan  
Korporat MITASA  
010-9280262



**Nadra Sharfina  
Ab Rahman**  
Setiausaha Pejabat MITASA  
018-2365130